

NACRT

Na temelju članka 41. točka c) Ustava Kantona Središnja Bosna („Službene novine Kantona Središnja Bosna“, broj: 1/97, 5/97, 6/97, 2/98, 7/98-ispravka teksta, 8/98, 10/2000, 8/03, 2/04 i 14/04), Sabor Kantona Središnja Bosna, na _____ sjednici, održanoj _____ 2022. godine, donosi:

ZAKON O PREVENCICI KORUPCIJE I KOORDINACIJI AKTIVNOSTI NA SUZBIJANJU KORUPCIJE

DIO PRVI - OPĆE ODREDBE

Članak 1. (Predmet)

Ovim Zakonom uređuju se: pojam korupcije, antikorupcijska načela, uspostava i status Kantonalnog ureda za prevenciju korupcije i koordinaciju aktivnosti na suzbijanju korupcije (u dalnjem tekstu: Kantonalni ured), ciljevi, djelokrug, načela i nadležnosti Kantonalnog ureda, rukovođenje Kantonalnim uredom, način i oblici prevencije korupcije i koordinacije suzbijanja korupcije, suradnja i odnosi sa javnošću.

Članak 2. (Definicija korupcije)

U smislu ovog Zakona, korupcija označava svaku zlouporabu moći povjerene javnom službeniku ili osoba na drugom javnom položaju u Kantunu Središnja Bosna (u dalnjem tekstu: Kanton) koja može dovesti do privatne koristi. Korupcija posebno može uključivati izravno ili neizravno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, čime se narušava odgovarajuće obavljanje bilo kakve dužnosti ili ponašanje očekivano od primatelja mita.

Članak 3. (Značenje izraza)

Pojedini izrazi upotrijebljeni u ovom Zakonu imaju sljedeća značenja:

- a) Javna služba je služba u organima uprave, institucijama Kantona, javnim poduzećima, javnim ustanovama i drugim pravnim osobama koje je osnovao Kanton;
- b) javni službenik ili osoba na drugom javnom položaju;
- 1) svaka osoba koja obnaša zakonodavnu, izvršnu, upravnu, tužilačku ili sudsku funkciju, bilo da je imenovana ili izabrana, bilo da je funkcija stalna ili privremena, plaćena ili neplaćena, bez obzira na rang tog lica;

- 2) svaka osoba koja obnaša javnu dužnost u javnoj službi;
 - 3) svaka druga osoba definirana zakonima Kantona kao javni dužnosnik, javni službenik ili državni službenik;
- c) sukob interesa je pojava u kojoj izabrani zvaničnici, nositelji izvršnih dužnosti, savjetnici i drugi zvaničnici s javnim ovlastima imaju privatni interes koji utječe ili može utjecati na zakonitost, transparentnost, objektivnost i nepristranost u obnašanju javnih dužnosti, odnosno u kojima privatni interes šteti ili može štetiti javnom interesu;
 - d) javna imovina je pokretna i nepokretna imovina, kao i javna sredstva izdvojena političkim strankama od strane države, entiteta, Kantona, grada ili općine;
 - e) proračun je Proračun institucija Kantona;
 - f) prevencija korupcije podrazumijeva planski osmišljene, organizirane i poduzete mјere i aktivnosti kojima se nastoje ukloniti ili smanjiti direktni i indirektni uzroci koruptivnog ponašanja;
 - g) koordinacija je ujednačeno funkcioniranje dijelova cjeline koje daje efektivne rezultate.

Članak 4.

(Antikorupcijska načela)

Sve javne službe u Kantonu svoj rad zasnivaju na sljedećim antikorupcijskim načelima:

- a) jednak tretman i nediskriminacija.

Svi imaju jednak pristup pri obavljanju aktivnosti od javnog interesa i jednak tretman od strane javnih službenika, bez korupcije;

- b) zabrana koruptivnog ponašanja.

Javni službenici u obavljanju svoje dužnosti ne smiju tražiti ili prihvati nedopuštenu korist za obavljanje svoje dužnosti;

- c) transparentnost i javni nadzor.

Obavljanje svih javnih dužnosti bit će transparentno i podliježe javnom nadzoru;

- d) zaštita „prijavljivanja korupcije“.

Nitko ne smije biti kažnjen ili na bilo koji način trpjeti bilo koje posljedice zbog prijavljivanja u dobroj vjeri, onoga što smatra koruptivnim djelom ili nepravilnostima u propisanim postupcima.

DIO DRUGI – KANTONALNI URED

POGLAVLJE I. - STATUS, CILJEVI, DJELOKRUG, NAČELA I MJERODAVNOST RADA KANTONALNOG UREDA

Članak 5.

(Osnivanje Kantonalnog ureda)

- (1) Ovim zakonom osniva se Kantonalni ured kao samostalna upravna organizacija.
- (2) Sredstva za rad Kantonalnog ureda se obezbjeđuju iz proračuna.
- (3) Sjedište Kantonalnog ureda je u Travniku.

Članak 6.
(Ciljevi osnivanja Kantonalnog ureda)

Ciljevi osnivanja Kantonalnog ureda su:

- a) prevencija utjecaja korupcije na rad javnih službenika ili osoba na drugom javnom položaju;
- b) identifikacija i eliminiranje uzroka korupcije;
- c) osiguravanje i unapređivanje pravnog okvira za prevenciju korupcije;
- d) poticanje sudjelovanja civilnog društva u prevenciji korupcije;
- e) podizanje svijesti javnosti i stvaranje odnosa netolerancije prema korupciji;
- f) educiranje i upoznavanje društva o uzrocima i posljedicama utjecaja korupcije, te o aktivnom sudjelovanju u njezinoj prevenciji;
- g) promoviranje transparentnog i odgovornog rada organa javne uprave i institucija Kantona;
- h) harmonizacija rada i koordinacija aktivnosti sa javnim službama i organizacijama na svim nivoima vlasti u Bosni i Hercegovini;

Članak 7.
(Djelokrug Kantonalnog ureda)

Kantonalni ured je mjerodavan za prevenciju korupcije kao i koordinaciju aktivnosti na suzbijanju korupcije u institucijama javnog i privatnog sektora kod:

- a) nositelja dužnosti u zakonodavnoj, izvršnoj i sudskoj vlasti Kantona;
- b) javnih službenika, državnih službenika i namještenika Kantona;
- c) članova uprave, ovlaštenih i drugih osoba u gospodarskim društvima, javnim poduzećima, javnim ustanovama i privatnim poduzećima;
- d) članova tijela i drugih ovlaštenih osoba u političkim strankama;
- e) ovlaštenih osoba u kulturnim i športskim ustanovama, zakladama, udrugama i nevladnim organizacijama.

članak 8.
(Načela rada Kantonalnog ureda)

- (1) U obavljanju zakonom utvrđenog djelokruga Kantonalni ured se, osim antikorupcijskih načela iz članka 4. pridržava i sljedećih načela:
 - a) zakonitost - mjere za prevenciju korupcije bit će provedene sukladno Ustavu Kantona, na način koji osigurava poštovanje ljudskih prava i temeljnih sloboda;
 - b) interakcija - učinkovitost mjera za prevenciju korupcije osigurava se koordiniranjem aktivnosti svih tijela, razmjenom informacija među njima, te uzajamnom suradnjom;
 - c) kontinuitet - uspostava i provedba učinkovitih mjera za prevenciju korupcije kontinuiranim nadzorom i pregledom istih;
- (2) Kantonalni ured će u svome radu primjenjivati i načela učinkovitosti, ekonomičnosti, odgovornosti i dosljednosti.

Članak 9.
(Mjerodavnost Kantonalnog ureda)

Mjerodavnosti Kantonalnog ureda su:

- a) izrada Strategije za borbu protiv korupcije u Kantonu (u dalnjem tekstu: Strategija) te izrada Akcionog plana za provedbu Strategije (u dalnjem tekstu: Akcioni plan) u skladu sa općim načelima utvrđenim u državnoj Strategiji za borbu protiv korupcije;
- b) koordinacija i nadzor nad provedbom Strategije i Akcionog plana, te davanje mišljenja i instrukcija po pitanju primjene Strategije i Akcionog plana;
- c) koordinacija rada javnih institucija u Kantonu Središnja Bosna na suzbijanju korupcije i sukoba interesa sukladno važećem Zakonu o sukobu interesa u organima vlasti u Federaciji Bosne i Hercegovine, te analiza pravomoćnih odluka mjerodavnih tijela za procesuiranje sukoba interesa radi sagledavanja pojave koruptivnog djelovanja, obavještavanja mjerodavnih institucija o nađenom stanju, kao i poduzimanje ostalih potrebnih radnji sukladno zakonu;
- d) prikupljanje i analiza statističkih i drugih podataka, te informiranje svih relevantnih subjekata o rezultatima istraživanja;
- e) postupanje po zaprimljenim podnescima s indicijama koruptivnog ponašanja sukladno važećim propisima;
- f) koordinacija rada institucija s javnim ovlastima u suzbijanju korupcije;
- g) praćenje učinaka provedbe zakona i podzakonskih akata kojima je cilj prevencija korupcije i davanje mišljenja i instrukcija po pitanju njihove provedbe,iniciranje aktivnosti u vezi s izmjenama i dopunama postojećih zakonskih rješenja te njihovo usuglašavanje;
- h) uspostavljanje i vođenje registra i baza podataka prikupljenih u skladu s ovim Zakonom;
- i) suradnja s Agencijom za prevenciju korupcije i dostavljanje potrebnih podataka i informacija samoinicijativno ili po zahtjevu Agencije, kao i suradnja s entitetskim i kantonalnim mjerodavnim organima i institucijama, da bi se osiguralo blagovremeno i efikasno provođenje koordiniranih politika za borbu protiv korupcije;
- j) donošenje jedinstvene metodologije i smjernica za izradu planova integriteta sukladno s državnim smjernicama i metodologijom za izradu plana integriteta i pružanje pomoći svim organima i institucijama Kantona u njihovoj realizaciji;
- k) javno objavljivanje informacija o stanju korupcije;
- l) suradnja s domaćim naučnim i stručnim organizacijama, medijima i nevladinim organizacijama o pitanju prevencije korupcije;
- m) razvoj promotivnih i edukativnih programa po pitanju prevencije korupcije i borbe protiv korupcije, te nadzor nad njihovom provedbom;
- n) drugi poslovi propisani posebnim zakonom.

Članak 10.
(Kontakt osobe)

- (1) Organi uprave, institucije, javna poduzeća, javne ustanove i druge pravne osobe čiji je osnivač Kanton dužni su odrediti osobu koja će biti zadužena za komunikaciju i suradnju s Kantonalnim uredom s ciljem sprječavanja korupcije, izradu i provedbu mjera iz Strategije, Akcionog plana, Plana integriteta i drugih strateških dokumenata.
- (2) Pravne osobe čiji osnivač nije Kanton i poduzetnici dužni su odrediti osobu za komunikaciju i suradnju s Kantonalnim uredom samo u slučaju kada Kantonalni ured postupa po predmetu koji se odnosi na konkretnu pravnu osobu i konkretnog poduzetnika.

Članak 11.
(Izvješće o radu Kantonalnog ureda)

- (1) Kantonalni ured o svom radu podnosi izvještaj Vladi najmanje dva puta godišnje.
- (2) Izvješće o radu Kantonalnog ureda mora sadržavati sve podatke o zaprimljenim prijavama, izrečenim mjerama, preporukama, aktivnostima na realizaciji Akcijskog plana, kao i drugim aktivnostima iz nadležnosti Kantonalnog ureda.

POGLAVLJE II. – NAČIN I OBLICI PREVENCije KORUPCIJE I KOORDINACIJE SUZBIJANJA KORUPCIJE

Članak 12.
(Prevencija korupcije)

Prevencija korupcije u smislu ovog Zakona podrazumijeva sljedeće aktivnosti:

- a) donošenje planova integriteta i drugih strateških dokumenata u institucijama Kantona;
- b) davanje preporuka i smjernica za provedbu propisa i strateških dokumenata iz domena borbe protiv korupcije;
- c) organiziranje okruglih stolova, medijskih i drugih kampanja usmјerenih na preveniranje i suzbijanje koruptivnih aktivnosti;
- d) razvoj i provedba edukativnih programa;

Članak 13.
(Koordinacija korupcije)

Koordinacija aktivnosti na suzbijanju korupcije podrazumijeva koordinaciju između svih subjekata obuhvaćenih strateškim planovima borbe protiv korupcije kao i suradnju i koordinaciju sa Agencijom za prevenciju korupcije i koordinaciju borbe protiv korupcije i ostalim pravnim subjektima, organima i organizacijama koje su mjerodavne u postupanju u oblasti borbe protiv korupcije, kao i pravosudnim organima

POGLAVLJE III. - RUKOVOĐENJE KANTONALNIM UREDOM

Članak 14.
(Rukovođenje)

- (1) Radom Kantonalnog ureda rukovodi ravnatelj koji se imenuje u skladu sa propisima kojima se regulira državna služba.
- (2) Ravnateljem Kantonalnog ureda može biti imenovana osoba koja, pored općih i posebnih uvjeta utvrđenih Zakonom, ima VII stupanj stručne spreme – pravni fakultet, ekonomski fakultet ili fakultet društvenih nauka, odnosno visoko obrazovanje prvog ciklusa Bolonjskog sustava studiranja koji se vrednuje sa najmanje 240 ECTS bodova ili drugog ili trećeg ciklusa Bolonjskog sustava studiranja pravne, ekonomskе ili društvene struke, položen stručni ispit: najmanje sedam godina radnog staža poslije sticanja visokog obrazovanja.
- (3) Ravnatelj je naredbodavac za raspolaganje proračunskim sredstvima određenim za financiranje rada Kantonalnog ureda.
- (4) Ravnatelj za svoj rad odgovara Vladi Kantona.

Članak 15.
(Ravnatelj Kantonalnog ureda)

Ravnatelj Kantonalnog ureda:

- a) rukovodi, predstavlja i zastupa Kantonalni ured;
- b) organizira i osigurava zakonito i efikasno vršenje poslova iz mjerodavnosti Kantonalnog ureda;
- c) donosi propise i druge akte za koje je ovlašten zakonom;
- d) odlučuje o pravima, dužnostima i odgovornostima državnih službenika i namještenika iz radnog odnosa ili u vezi sa radnim odnosom u Kantonalnom uredu;
- e) obavlja i druge poslove koji su određeni ovim Zakonom i drugim propisima

Članak 16.
(Nespojivost s položajem ravnatelja)

- (1) Ravnatelj kantonalnog ureda ne smije obnašati dodatnu djelatnost za koju se plaća naknada, osim u slučaju kada je to odobrila Vlada Kantona.
- (2) Ravnatelj ne može biti član upravnih i drugih odbora političkih stranaka i ne smije slijediti upute političkih stranaka.

POGLAVLJE IV. - UNUTARNJE USTROJSTVO KANTONALNOG UREDA

Članak 17.
(Pravilnik o unutarnjem ustrojstvu)

- (1) Pravilnik o unutarnjem ustrojstvu Kantonalnog ureda donosi ravnatelj, uz suglasnost Vlade Kantona, sa strukturom i brojem kvalificiranih uposlenika kojim se osigurava određena kapacitiranost Kantonalnog ureda za realizaciju ciljeva i mjerodavnosti.
- (2) Kodeks ponašanja uposlenih u Kantonalnom uredu donosi ravnatelj.

Članak 18.
(Radno-pravni status uposlenih)

(1) Uposlenici u Kantonalnom uredu imaju status državnih službenika i namještenika na koje se primjenjuje važeći Zakon o državnoj službi u Federaciji Bosni i Hercegovine koji se primjenjuje kao kantonalni zakon na osnovu Zakona o preuzimanju Zakona o državnoj službi u Federaciji Bosni i Hercegovine i Zakon o namještenicima u organima državne službe u Federaciji Bosne i Hercegovine.

(2) Plaće i naknade uposlenih u Kantonalnom uredu određene su Zakonom o plaćama i naknadama u organima vlasti Kantona Središnja Bosna.

POGLAVLJE V. - SURADNJA S DRUGIM TIJELIMA I ORGANIZACIJAMA

Članak 19.
(Obavezna suradnja s Uredom)

- (1) U obavljanju zadataka iz svoje mjerodavnosti, Kantonalni ured surađuje sa drugim institucijama, agencijama i uredima na svim nivoima, javnim službama i drugim tijelima s javnim ovlastima, kao i međunarodnim organizacijama.
- (2) Institucije, javne službe i druga tijela s javnim ovlastima na području Kantona obvezni su surađivati s Kantonalnim uredom, te dostavljati sve potrebne podatke i informacije na zahtjev Kantonalnog ureda.

Članak 20.
(Odnosi s javnošću)

- (1) U izvršavanju poslova i zadataka Kantonalni ured će kontinuirano obavještavati javnost o svim aspektima korupcije.
- (2) Kantonalni ured će svoja izvješća, analize i druge akte objavljivati na web-stranici Kantonalnog ureda ili na drugi način izvještavati javnost.
- (3) U svrhu odnosa sa javnostima, Kantonalni ured će izraditi detaljan plan komuniciranja.

POGLAVLJE VI. – KAZNENE ODREDBE

Članak 21.
(Kaznene odredbe)

Rukovoditelj Ureda kao i rukovoditelji ostalih organa podliježe kaznenoj i prekršajnoj odgovornosti.

Članak 22.
(Novčane kazne)

- (1) Novčanom kaznom u iznosu od 1.000,00 KM do 3.000,00 KM kaznit će se za prekršaje rukovoditelj organa javne uprave i institucije, javnog poduzeća, ustanove

i druge pravne osobe koje je osnovao Kanton, pravne osobe i poduzetnika ako ne postupi u skladu sa člankom 10. ovog Zakona.

(2) Novčanom kaznom u iznosu od 1.000,00 KM do 3.000,00 KM kaznit će se za prekršaje rukovoditelj organa javne uprave i institucije, javnog poduzeća, ustanove i druge pravne osobe koje je osnovao Kanton, pravne osobe i poduzetnika ako ne postupi u skladu sa člankom 19. ovog Zakona

DIO TREĆI - PRELAZNE I ZAVRŠNE ODREDBE

Članak 23.

(Početak rada Kantonalnog ureda)

Kantonalni ured počet će s radom danom postavljenja ravnatelja Kantonalnog ureda.

Članak 24.

(Podzakonski akti)

U roku od 60 dana od dana imenovanja ravnatelj Kantonalnog ureda donijet će Pravilnik o unutarnjem ustrojstvu uz suglasnost Vlade i podzakonske akte utvrđene ovim Zakonom.

Članak 25

(Nadzor)

Nadzor nad primjenom ovog Zakona obavlja Vlada Kantona.

Članak 26.

(Stupanje na snagu)

Ovaj Zakon stupa na snagu osmog dana od dana objave u „Službenim novinama Kantona Središnja Bosna“.

Broj: _____

Travnik; _____ 2022. godine

PREDSJEDAVAJUĆI SABORA KSB

Josip Kvasina

O B R A Z L O Ž E N J E

I. PRAVNI OSNOV

Pravni osnov za donošenje Zakona o prevenciji korupcije i koordinaciji aktivnosti na suzbijanju korupcije sadržan je u odredbi člana 41. stava 1. tačke c) Ustava Kantona Središnja Bosna („Službene novine Kantona Središnja Bosna“, broj: 1/97, 5/97, 6/97, 2/98, 7/98 – ispravka teksta, 8/98, 10/2000, 8/03, 2/04 i 14/04), kojim je propisano da Sabor Kantona donosi zakone i ostale propise neophodne za izvršavanje mjerodavnosti Kantona.

II. RAZLOZI ZA DONOŠENJE ZAKONA

Zakonom o agenciji za prevenciju korupcije i koordinaciju borbe protiv korupcije (Službeni glasnik Bosne i Hercegovine, broj 103/09, 58/13) člankom 23. utvrđeno je „*Entiteti, kantoni i Brčko Distrikt Bosne i Hercegovine mogu odrediti novu ili postojeću upravnu strukturu koja će biti zadužena za sprječavanje korupcije, izradu i provođene strategije za borbu protiv korupcije i akcionih planova ...*“.

Agencija za prevenciju korupcije i koordinaciju borbe protiv korupcije Bosne i Hercegovine (u dalnjem tekstu: Agencija), aktom broj 01-02-3-161/2-18 od 29. 3. 2018. godine – Unaprjeđenje rada tijela za sprječavanje korupcije Bosne i Hercegovine – Preporuke;

- Profesionalizacija tijela za sprječavanje korupcije kroz normativno pozicioniranje, zakonodavno-pravni okvir kojim se precizno određuje mjerodavnost tijela za sprječavanje korupcije...
- Preventivni aspekt borbe protiv korupcije (prevencija korupcije, koordinacija preventivnih aktivnosti, kreiranje strateških antikorupcijskih dokumenata...).

Instrukcijom Agencije o definiranju standarda za uspostavljanje profesionalnih tijela za sprječavanje korupcije na svim razinama vlasti u Bosni i Hercegovini, broj 05-02-3-65-1/2020 od 3. 2. 2020. godine (u dalnjem tekstu: Instrukcija).

Člankom 1. Instrukcije utvrđuje se „*provedba odredbi članka 23. Zakona o agenciji za prevenciju korupcije i koordinaciju borbe protiv korupcije (Službeni glasnik BiH, broj 100/09 i 58/13) koji se odnosi na obvezu određivanja tijela za sprječavanje korupcije na razini entiteta, kantona i Brčko distrikta Bosne i Hercegovine*“.

Člancima 2. i 3. Instrukcije utvrđuje se „*svrha Instrukcije je utvrđivanje standarda za profesionalna tijela za sprječavanje korupcije (u dalnjem tekstu: tijela)*“ na razini entiteta, kantona i Brčko distrikta Bosne i Hercegovine“.

Člankom 4. točkama 1), 2) i 3) Instrukcije utvrđuje se „*tijela trebaju biti uspostavljena kao upravne strukture sa dovoljno kapaciteta i resursa, sa jasnim mjerodavnostima...; tijela trebaju biti utemeljena zakonskim ili podzakonskim aktom...; tijela trebaju biti neovisna od izvršne i zakonodavne vlasti, o svom radu podnose izvješća izvršnim ili zakonodavnim tijelima...*“.

Člankom 5. točkama 1), 2), 3), 4) i 5) Instrukcije utvrđuje se „*tijela trebaju imati određen broj zaposlenih kvalificiranih javnih službenika*; tijela imaju ovlasti da zapošljavaju javne službenike preuzimanjem iz postojećih kapaciteta“; „*rukovoditelji tijela biraju se u javnoj proceduri sa kriterijima koji osiguravaju: apolitičnost,*

nepričasnost, neutralnost...“; „tijela donose etičke kodekse“; „tijela trebaju imati vlastiti neovisni proračun“.

Člankom 6. Instrukcije utvrđuje se „*suradnja sa drugim institucijama, privatnim sektorom i građanima*“.

Slijedom datih Preporuka i Instrukcije, Vlada Kantona Zaključkom broj 01-04.2-212/2020-5 od 12. 3. 2020. godine, zadužila je ovo Ministarstvo da pripremi prijedlog rješenja o imenovanju članova Interresornog tima za izradu Nacrtu Zakona o borbi protiv korupcije u Kantonu Središnja Bosna.

Rješenjem, broj 01-11.7-402/2020 od 15. 5. 2020. godine, imenovan je Interresorni tim za izradu Nacrtu Zakona o borbi protiv korupcije u Kantonu Središnja Bosna.

Slijedom navedenog Interresorni tim izradio je Nacrt Zakona o prevenciji korupcije i koordinaciji aktivnosti na suzbijanju korupcije shodno principima na kojima se utvrđuje upravna struktura organa uprave i upravnih organizacija ovog Kantona.

Rukovodeći se navedenim Zakonom, Preporukom i Instrukcijom za uspostavu profesionalnih tijela za sprječavanje korupcije na svim razinama vlasti u Bosni i Hercegovini, koji definiraju da profesionalno tijelo treba biti neovisno od izvršne i zakonodavne vlasti sa upravnom strukturom koja je najbliža preventivnom aspektu borbe protiv korupcije, ovim Zakonom uspostavlja se Kantonalni ured za prevenciju korupcije i koordinaciju aktivnosti na suzbijanju korupcije u statusu samostalne upravne organizacije koja se osniva u skladu sa odredbama Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj 35/05 i 24/13) i zakona kojim se uređuje organizacija i djelokrug organa uprave i upravnih organizacija Kantona, Zakon o organizovanju i djelokrugu kantonalnih ministarstava i drugih tijela kantonalne uprave Srednjobosanskog kantona („Službene novine Kantona Središnja Bosna“, broj 15/12, 17/12 – ispravka i 11/19). Mjerodavnosti Kantonalnog ureda ne izlaze iz okvira preventivnog aspekta borbe protiv korupcije, a sadrže se u sljedećem: izrada strateških antikorupcijskih dokumenata (Strategija za borbu protiv korupcije i Akcioni plan za provedbu Strategije, koordinacija i nadzor nad provedbom Strategije i Akcionog plana, donošenje jedinstvene metodologije i smjernica za izradu planova integriteta sukladno sa državnim smjernicama i metodologijom za izradu plana integriteta i pružanje pomoći svim organima i institucijama Kantona u njihovoj realizaciji, uspostava sustava razmjene informacija i izvještavanja između aktera u sustavu borbe protiv korupcije, uspostavljanje i vođenje baza podataka...)

Radom Kantonalnog ureda rukovodi ravnatelj koji se imenuje u skladu sa propisima o državnoj službi.

Pravilnik o unutarnjoj organizaciji Kantonalnog ureda i Kodeks ponašanja uposlenih u Kantonalnom uredu donosi ravnatelj.

Upozlenici u Kantonalnom uredu imaju status državnih službenika i namještenika na koje se primjenjuje Zakon o državnoj službi u Federaciji Bosne i Hercegovine i Zakon o namještenicima u organima državne službe u Federaciji Bosne i Hercegovine.

III. – PREGLED I SADRŽAJ PREDLOŽENIH RJEŠENJA

Zakon o prevenciji korupcije i koordinaciji aktivnosti na suzbijanju korupcije u Kantonu Središnja Bosna (u dalnjem tekstu: Zakon) sastoji se od 25 članaka raspoređenih u tri dijela.

Dio prvi – opće odredbe (članci od 1. do 4. Zakona)

U ovom dijelu Zakona utvrđena je definicija korupcije, značenje izraza koji se upotrebljavaju u ovom Zakonu i antikorupcijska načela. Antikorupcijska načela na kojima se zasniva rad svih javnih službi u Kantonu su:

- a) jednak tretman i nediskriminacija
- b) zabrana koruptivnog ponašanja
- c) transparentnost i javni nadzor
- d) zaštita „prijavljivanja korupcije“.

Dio drugi – Kantonalni ured (članci od 5. do 22. Zakona)

U ovom dijelu Zakona:

- u poglavljiju I. utvrđen je status, ciljevi, djelokrug, načela, mjerodavnost rada Kantonalnog ureda za prevenciju korupcije i koordinaciju aktivnosti na suzbijanju korupcije, kontakt osobe, izvješća o radu;
- u poglavljiju II. utvrđen je način i oblici prevencije korupcije i koordinacije suzbijanja korupcije,
- u poglavljiju III. utvrđeno je rukovođenje Kantonalnim uredom,
- u poglavljiju IV. utvrđena je unutarnja organizacija Kantonalnog ureda,
- u poglavljiju V. utvrđena je suradnja sa drugim tijelima i organizacijama,
- u poglavljiju VI. utvrđene su kaznene odredbe.

Dio treći – prelazne i završne odredbe (članci 23 do 25. Zakona)

U ovom dijelu Zakona utvrđen je početak rada Kantonalnog ureda i rok za donošenje pravilnika o unutarnjem ustrojstvu i stupanje na snagu Zakona.

IV. FINANCIJSKA SREDSTVA

Za provedbu ovog Zakona potrebno je osigurati finansijska sredstva u Proračunu Kantona Središnja Bosna.